



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

221. f.

5.

Testimony



6/-



OBSERVATIO de populis fundis.

*De statu siue conditione populorum
qui fundi facti esse dicebantur
lege Iulia de ciuitate Romana.*



TVLLI LEVCORVM.

Apud Sim. Belgrand & Io. Laurent,
Typographos Regios.

M. DC. LI.

221. f. 5.
7.



NICOLAVS RIGALTIVS,
EXIMIO FRATRVM PARI,
PETRO ET IACOBO PVTEANIS,
S. D.



NON separabo quos eiusdem sanguinis honos, idem virtutis amor, eadem studia tam beneciunxere; quibuscum ego ab istius seculi fere principio coniunctissime vixi. De Petro Pithoeo scripturus aliquid, quod ab tanti viri sententia vel minimum recedere videatur, non potui fidelius aut innocentius tradere posteris, quam vestro prius examini permissum. Et iuvat meminisse dictorum, quae nos inter olim super hisce rebus familiari colloquio miscebamus. Etenim, Pithoei quidem aetate, nemo regnorum iura, nemo veteres Ecclesiae ritus, nemo Galli-

4 DE POPVLIS FVNDIS.

cana Romanos erga Pontifices studia, Pithoeo curiosius collegit, nemo prudentius ostendit; nemo proinde Thuani augustissimi suffragia magnificentiora commeruit. hodie vero, nullibi suavius, quam apud vos Pithoei genius adquiescit: nullibi tam praesentes quam in vestra bibliotheca summi viri manes obversantur. Itaq; pace inprimis Thuani, nam aliàs neque vestram, neque ipsius adeo Pithoei sperarem; pace inquam vestra, pace Pithoei dixerim, apparet in opusculo sane pulcerrimo naeuus. Catalogo scilicet Libertatum Ecclesiae Gallicanae, lingua nostra vulgari cōposito, posteaquam regum nostrorum erga Romanae sedis antistites pietatem & beneficia maxima laudauit, Latina quaedam de Ciceronis

DE POPVLIS FVNDIS. 5

oratione pro Balbo, sic ad Ecclesiae Romanae praestantiam aptata citat, ut significet Ecclesiae Gallicanae reges sanctitatem Sedis Apostolicae coniuncter conseruare, quemadmodum principes liberos decet; si non aequo iure; nam diuina praeferri debere fatetur humanis, certe, non ut dediticios, inquit, aut fundos. Fundos ecce populos dediticiis adiungit; triste aliquid deprecaturus ac seruale; contrarium libertati. Et dediticiorum quidem conditionem pessimam fuisse tradunt iuris Auctores; haud meliorem illa stigmaticorum, malae mentis hominū, qui sunt aliquid ausi tyrannicum. Dicemusne, ab dediticiis istis descensionem fieri ad populos fundos, quasi ad deterrimae tandem sortis mortales? Atqui tota illa pro Balbo

6 DE POPVLIS FVNDIS.

Tullius hoc pertendit , vt populos fundos commune vocabulum esse doceat omnium populorum Romani populi amicorum , federatorum , & nihilominus liberorum. Et nostri Atticarum commentarius decimus sextus apertissime declarat fundos populos esse municipales , ciues Romanos in municipiis legibus suis viuentes , & suo iure vtentes ; muneri tantum cum populo Romano honorarii participes ; ab eoque munere capeffendo appellari municipales : nullis aliis necessitatibus , neque vlla populi Romani lege adstrictos , ni in quam populus eorum fundus factus est. Sic habentur extrema ista Gellii verba libro Carrionis . rectissime ; cum eoque libro facit alter ille , quem vos nuper in Bibliotheca Regia ,

DE POPVLIS FVNDIS. 7

me rogante , officiosissime inspexi-
stis. Erant igitur in Romana ditione
municipes liberi, nullis populi Ro-
mani legibus alligati; nisi in aliquam
forte legem Romanam populus eo-
rum fundum se fecerat. Tunc enim
dicebatur fundus ei legi, siue in eam
legem quam adsumserat, quam sen-
tentia sua comprobauerat. Etenim le-
ges habebat suas & propria sibi iura
quæ cognata & coorta secum, in ipsis
municipum mentibus tanquam in
fundo resederant, & ipsa radicibus ni-
tebantur suis; & si quædam certe il-
lorum essent consimilia Romanis,
non de Romanis tamen, sed de pu-
blico sensu, sumta: adeoque ipse po-
pulus erat legum suarum fundus.
Nam & ager in quo pedem posue-
rat exoriens populus, quia videba-

8 DE POPVLIS FVNDIS

tur pecudum ac pecuniae esse fundamentum, fundus est appellatus. Hoc adserit Varro, & legis auctorem alicuius siue sententiae subscriptorem Cornelius Fronto factum esse dicit legis & sententiae fundum. Vt iam hinc tota ista quaestio, de schemate veniat, siue formula loquendi figurata paulatim se se ad populi arbitrium flectente. Sic populos fundos fieri ait Festus rei quam se alienare testantur ; & in Plautina fabula Trinummo , filio spondenti pater accedit fundus potior , cui nimirum , vt majori domino , tutius credatur , quam filio. Tale autem fortean fuerit legis Iuliae de Romana ciuitate caput , quantum ex Marco Tullio colligimus : *Ex federato populo quemquam fieri ciuem Romanum ,*

DE POPVLIS FVNDIS. 9

num, nisi is populus fundus factus fuerit, non placere. vel potius in hunc modum: Qui fundi populi facti non erunt, ciuitatem ne habeant. Quâ certè formula, legis istius latorem fundi vocabulo seruile quicquam, vel indignum liberis ceruicibus iugum induere voluisse, non est putandum. Hoc vero tantum cauisse, ne quis ex municipio singilatim ciuitate Romana donaretur, nisi municipalis ille populus alienandi municipis sui fundus, id est auctor fieret, confectisque super ea re tabulis subscriberet; non aliqua pactione fidejussoria nexus, quod Pithoeus existimasse videtur, sed, quemadmodum diximus, tamquam auctor & moderator; beneficij siue honoris aliunde collati, si non dispensator, certè arbiter & compro-

10 DE POPVLIS FVNDIS

bator. Aduersus hanc legem fecisse Pompeium criminabantur accusatores Balbi, donato ciuitate Cornelio Balbo Gaditano de consilij siue Senatus Pompeiani sententia. Itaque obiciebant, Balbum vitio factum fuisse ciuem Romanum, populo Gaditano non postulante: exceptum fuisse federe, ne quis è Gadibus ciuitatem mutaret: populum Gaditanum non fuisse fundum; non laudatorem aut procuratorem adipiscendae ciuitatis Romanae: eoque facto violatam fuisse populi Romani maiestatem, neglectas federis Gaditani leges. Refellit obiectionem Cicero: negat vlllo federe impediri jus ciuitatis mutandae. Haec enim esse fundamenta firmissima libertatis, ire quò libeat: sui quemque juris, & retinendi &

DE POPVLIS FVNDIS. II

dimittendi esse dominum: Gaditanos
multis annis antequam Balbus in iu-
dicium ob ciuitatis mutationem vo-
caretur, hospitium cum ipso Balbo
fecisse publicè : denique , re multo
ante hoc iudicium Gadibus audita,
fore vt Balbo periculum crearetur,
grauissima in ciuem suum accusato-
rem Balbi senatus consulta fecisse;
deprecatores pro ipso misisse Ro-
mam. Post haec omnia, concludit
Tullius interrogando; Potuit magis
fundus populus Gaditanus fieri, si
tùm fit fundus, cum scita ac iussa
nostra sua sententia comprobatur,
quam cùm hospitium facit? Haec
procul dubio monstrant, fundorum
populorum statum, nullatenus ae-
quiparandum esse dediticiis. Immo
fundorum appellatione populorum

falsum est

12 DE POPVLIS FVNDIS.

significari liberos , ciues sui iuris ,
suaeque spontis; cum in plerisque hu-
iuscemodi conditionis ciuitatibus
magna pars iuris sui libertatem ciui-
tati Romanae anteferet. Sic apud
Litium tribus Hernicorum populis;
quia maluerant , quam ciuitatem ,
suae leges redditae . & Praenestini ci-
uitate ob virtutem donati , non mu-
tauere. Hoc igitur exemplo sapiunt
Galli, qui salua semper Sedis Aposto-
licae sanctitate aduersus ambitiosas
monarchiae Romanae molitiones
opponunt Ecclesiae Gallicanae pristi-
na scita sua , siue iura , siue iussa. Sic
fundi populi sumus , non dediticii ,
sed liberi , sed federati , sed amici ;
Christianae libertatis municipes.
Quod ad conseruandam populi Ro-
mani maiestatem attinet , praeclare

DE POPVLIS FVNDIS. 13

Tullius ait, legislatoris verba iubentia magis esse quam spondentia fecialis; & in superiori condicione causaeque poni, cuius maiestas federis sanctione defenditur. Atque hoc federibus adjici docet Proculus; ut intelligatur, alterum populum superiorem esse; non ut intelligatur, alterum non esse liberum; probatque exemplo clientium, quos etsi habeamus in clientela nostra, liberos tamen esse haud infitiamur: sic eos qui maiestatem comiter conseruare debent, nihilominus liberos esse pronunciamus. Sane, quotquot vbicumque degimus vere Christiani, religioni ducimus isthaec Romae profanae scita rebus accomodare Christianis. Et Pithoeus noster hoc ipso de Libertatibus Ecclesiae tractatu, maiesta-

14 DE POPVLIS FVNDIS.

tem regibus sic seruat, vt non alteri communicet potestati; sed Apostolicae Sedis sanctitatem, pro maiestate, comiter ab ipsis etiam regibus conseruandam esse suadeat. Verum Ecclesia sese ab seculo spernit procul. Hospitium habet in seculo, subiecta secularibus tantisper. At municipatum suum in coelis esse didicit & sperat, & magisterio Pauli secura credit; praesaga futurorum, maiestatem Domini protegentis fidelissime conseruat. Haec de populis fundis obseruanti mihi, sunt interuisa quaedam non iniucunda scitu; sed in hunc dilata locum, ne propositi series turbaretur interjectis. Primum illud fuit, Hoc de ciuitate Romana iudicio Balbum sibi graue sensisse periculum, cui propulsando tam graues adhibuerit de-

DE POPVLIS FVNDIS IS

seniores, Pompeium quidem, adeoque ipsum Ciceronem. Nostis elogium: Hominem occiderit oportet, qui te patrono utatur. Pompeius certe Balbum de fortunis omnibus ita dimicasse ait, ut nullius in delicti crimen vocaretur. Enimvero graue fuit praestanti viro causam dicere de iure virgarum. & seruauit Cicero, quem Pompeius fecerat, ciuem; cuius nepoti triumphum fata seruabant. Magni ergo ponderis fuit istud conseruandae ciuitatis iudicium, quo scilicet agebatur de beneficio Porciae legis, quae virgas à corpore ciuium Romanorum teste ipso in Rabiriana Tullio, amouerat, in Gaditani municipii virum excellentem collato, quod beneficium pro scapulis & tergo fuisse dicit Cato in oratione contra M. Coelium,

76 *DE POPVLIS FVNDIS.*

vbi se multos ciues prohibuisse iniuria verberum gloriatur. Ideoque Plinius Secundus, naturalis historiae volumine septimo, inter exempla variantis fortunae posuit Balbū huncce Gaditanum. Qui Plinij locus alterum hīc constituet articulum praetermissorum obseruatione supra corrente. Haec vero sunt auctoris doctissimi verba in editione illa Parisiensi, studio Petri Danesij, quem sub Bello-cirii nomine latere monuit Aemarus Ranconetus, emendata: Fuit & Balbus Cornelius maior, consul; sed accusatus; atque de iure virgarum in iudicum consilium missus; primus externorum, atque etiam in oceano genitorum, vsus illo honore, quem maiores nostri Latio quoque negauerunt. Accusatum fuisse ait Plinius;

non

DE POPVLIS FVNDIS. 17.

non quasi ciuitatem suffuratus esset;
verum quia Gaditanus, & ad suos Ga-
ditanos reportandus. Missum vero in
iudicium consilium : & est pro ipso
Ciceronis oratio ad iudices. Maiorem
praeterea dicit, quia patruus erat alte-
rius Cornelii Balbi, qui aliquot annis
post accusationem, de Garamantibus
triumphauit. De quo etiam Strabo :
ΒΑΛΒΟ Ο ΤΡΙΑΜΒΕΥCΑC,
& ipse Plinius, volumine quinto :
Vno omnium externorum, curru &
Quiritium iure donato. Currū dicit,
triumphalem. Quiritium iure, quia
cum Balbo maiore, patruo, in ciui-
tatem venerat. Huiusce Balbi iuni-
oris supra fidem humanam temeritate
notata, Velleius apposuit : Illis incre-
mentis fecit viam, quibus non His-
paniae suae natus, sed Hispanus, in

78 DE POPVLIS FVNDIS

triumphum & pontificatum adsurgeret. Sic edidit Lipsius. At in editione Rhenani : quibus non Hispaniae Gadibus natus, sed Hispanus. Vnde facilis emendatio, repositis quae transposita fuerant : Illis incrementis fecit viam, quibus non Hispanus, sed Hispaniae Gadibus natus, in tr. & pont. adsurgeret. Quod certè indignationem augebat, honoris in externos collati : quia magis extranei videbantur, qui non in Hispania geniti, sed in oceano, vt ait Plinius, vii. 43. Gadibus extra orbem conditis, lib. v. 19. quod explicat Velleius, vbi de Gadibus: Tyria classis, inquit, plurimum pollens mari, in vltimo Hispaniae tractu, in extremo nostri orbis termino, insulam circumfusam oceano perexiguo à continenti diuisam freto,

DE POPVLIS FVNDIS. 19

Gades condidit. Valetе suaviffimi Puteani. Faventibus vobis, haec appendicula Gadibus etiam legatur. Gaditani gaudete. Habete posthaec, populi fundi, aequiorem & placatiorem Pithoeum. Hadrianus quoque noster ille Turnebus, quae sunt à Cicerone ad iudices dicta pro vobis, omnium optime percepit. quod etiam, pace clarissimi Augustini vestri Antonii, proditum velim. Dicite autem Puteanis gratias tantas, quanti plurimi vobis isthaec Observatio nostra videbitur. Satis equidem mihi fecisse arbitror, quod amicorū benemerentium desiderio sum obsecutus. Tulli Leucorum. M. DC. LI. Cal. Febr.

M. PIERRE PITHOV,
au Traitté des libertés de l'Eglise Gallicane.

Les Rois tres-Chrestiens aiant exposé non seulement leurs moiens, mais aussi leurs propres personnes pour mettre & restablir & maintenir les Papes en leur siege, accroistre leur patrimoine de tres-grands biens temporels, & conseruer leurs droits & autoritez par tout, les ont tousiours recognus pour Peres spirituels, leur rendans de franche volonté une obeissance non seruite, mais vraiment filiale, & (comme disoient les anciens Romains en chose non du tout dissemblable,) sanctitatem Apostolicam sedis sic comiter conseruantes, quemadmodum principes liberos decet, si non aequo iure, comme il faut confesser qu'es choses spirituelles il y a preeminence & superiorité de la part du S. Siege Apostolique, certe non vt dediticios, aut fundos,







